



CONVENIO ENTRE AXENCIA INSTITUTO ENERXÉTICO DE GALICIA (INEGA) E A ASOCIACIÓN CLÚSTER DE ENERXÍAS RENOVABLES DE GALICIA (CLUERGAL) PARA A REALIZACIÓN DE ACTIVIDADES DE DIFUSIÓN, FORMACIÓN, INFORMACIÓN E COMUNICACIÓN RELACIONADAS CO DESENVOLVEMENTO DAS ENERXÍAS RENOVABLES EN GALICIA.

MEMORIA XUSTIFICATIVA

A Xerente da Axencia Instituto Enerxético de Galicia (INEGA)

DECLARA: Que esta entidade de dereito público ten previsto formalizar coa Asociación Clúster de Enerxías Renovables de Galicia (Cluergal), o instrumento convencional arriba referido por un período de vixencia que abrangue dende o día seguinte ao da súa sinatura e remata o 31 de decembro de 2026, con retroacción dos seus efectos, a fin de amparar as actuacións realizadas desde o 1 de abril de 2026.

Que o instrumento convencional ten por obxecto establecer as condicións da colaboración entre o Inega e Cluergal para a realización de actividades de difusión, formación, información e asesoramento relacionadas co desenvolvemento das enerxías renovables en Galicia.

Que o instrumento convencional que se pretende asinar se fundamenta no seguinte:

Inega constitúese en Axencia por Decreto 142/2016, do 22 de setembro, mantendo a súa adscrición a Consellería competente en materia de enerxía, conforme ao establecido na Lei 3/1999, do 11 de marzo, e entre cuxas funcións destaca a de incidir na utilización racional da enerxía, así como diversificar as fontes enerxéticas e reducir, na medida do posible, a dependencia exterior.

Que Cluergal é unha asociación sen ánimo de lucro, que representa ao sector das enerxías renovables de Galicia. O obxectivo central de Cluergal, tal como recollen os seus Estatutos, consiste en promover proxectos entre os seus membros, o desenvolvemento da industria e servizos do sector das enerxías renovables así coma o fomento da sustentabilidade enerxética. Actualmente Cluergal agrupa ó 50 % da cifra de negocios da industria das enerxías renovables de Galicia, de xeito directo e ao 30 % no caso de empresas vinculadas.

A posta en marcha pola Unión Europea dos Fondos de Recuperación e resiliencia, Next Generation EU (NGEU), anima aos estados e ás rexións europeas a posicionarse e xerar os mellores proxectos estratéxicos para a súa contorna empresarial.

Globalmente, o Sector das Enerxías Renovables de Galicia xerou en 2023 un Valor Engadido Bruto duns 3.000 millóns de euros, o 4% do PIB, e doce mil postos de traballo, o 1,05 % do emprego total, centrado nas diferentes tecnoloxías renovables. Destaca asemade o predominio no tecido sectorial das Pemes e a súa dispersión que se traduce coma elemento chave de vertebración territorial de Galicia.

O Inega colaborará con Cluergal no financiamento do desenvolvemento do obxecto do presente Convenio, cunha achega de setenta e cinco mil euros (75.000,00 €), I.V.E. engadido, equivalente ao 100 % do custe subvencionable, con cargo á partida



orzamentaria 09.A3.733A.641.1 do seu orzamento de gastos para o ano 2026, segundo o cadro seguinte:

CONCEPTO	ORZAMENTO
1. Catro xornadas informativas presenciais relacionadas coas liñas de traballo e de apoio e incentivos do Inega en 2026.	32.000 €
2. Actualización, ampliación e dixitalización do Mapa de capacidades industriais de Galicia en torno a enerxía eólica (terrestre e mariña) e outras enerxías do mar (undimotriz, mareomotriz, gradiente salino e gradiente térmico).	18.000 €
3. Accións de promoción, difusión e divulgación sobre a cadea de valor industrial da eólica terrestre en Galicia.	15.000 €
4. Campaña de comunicación e difusión de boas prácticas en relación ao aforro e eficiencia enerxética entre a sociedade.	10.000 €
Total	75.000 €

O interese compartido no desenvolvemento da actividade supón, á súa vez, que as achegas que a Administración efectúa no seo do convenio non se dirixen a retribuír á outra parte, senón a posibilitar a acción conveniada.

No texto do convenio ponse de manifesto que se van realizar actividades de interese público, social e económico, co fin de acadar os obxectivos de aforro e eficiencia enerxética, xerar volume de negocio e evitar a contaminación ambiental, así como dar a coñecer ás empresas e á cidadanía en xeral este sistema de aproveitamento enerxético.

Cómpre sinalar, ademais, que as actuacións previstas no presente convenio presentan un carácter específico e diferenciado, configurándose como actuacións singulares e innovadoras no seu ámbito, tanto polo seu enfoque como polo seu contido, o que xustifica a súa execución independente e o seu financiamento íntegro, sen que exista solapamento con outras posibles liñas de colaboración que poidan desenvolverse neste ámbito.

En atención ao exposto, e a fin de cumprimentar o preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á a sinatura do instrumento convencional que se pretende, con exclusión doutras figuras.

Santiago de Compostela, na data da sinatura dixital.
A Xerente,
Silvia Cortiñas Fernández